



4/6
403
14



43
403
14



太平御覽卷第六十八

地部三十三

冰

潮

川



八幡
田中

新念圖書

此係明治八年八月八日
月八日
山田一人
君田一人
郎君以贈

早稻田圖書

說文曰冰水堅也澌流冰也

易曰初六履霜堅冰陰始凝也馴致其道至堅冰也

又曰乾為寒為冰

易通卦驗曰大雪魚負冰鄭玄注曰負冰上近冰也

詩曰二之日鑿冰沖沖鑿冰聲也三之日納于凌陰

周禮曰凌人掌冰祭祀供冰鑑鑑如大口藏水以御溫氣也賓客供冰

大喪供夷盤冰夷盤大盤也夏班冰賜群臣也共印不蒸

又曰凌人掌冰正歲十有二月令斬冰三其凌三其凌三倍其冰

禮曰孟冬之月水始冰地始凍仲冬之月冰益壯地圻鶡

鳥不鳴虎始交

又曰立春之日東風解凍又五日蟄蟲始振又五日魚上冰風不解凍號令不行魚不上冰兵甲不藏

傳曰楚子使蘧子馮為令尹遂以疾辭方暑闕地下冰而

牀焉重繭衣裘繭袍也禮玉藻曰繭為繭緼為袍

鮮食而寢楚子使醫視

之復曰病則甚矣而血氣未動

又曰春無冰梓慎曰今茲宋鄭其饑乎陰不勝陽也

又曰日在北陸而藏冰西陸朝覲而出之其藏冰也深山窮谷固陰沍寒於是乎取之其出之也朝之祿位賓食喪

祭於是乎用之其藏之也黑牡秬黍以享司寒其出之也

桃弧棘矢以除其災祭司寒而藏之獻羔而啓之火出而畢賦自命夫命婦至於老疾無不受冰山人取之縣人傳之輿人納之隸人藏之夫冰以風壯而以風出而藏之也

周其用之也偏則冬無愆陽夏無伏陰春無淒風秋無苦雨人不夭札

孝經援神契曰高山之巔無樹深海之淵無冰剛太燥柔

太濕也曰文宣謂古人常斷齊兵之西與所以冬以雪而

家語曰霜降而婦功成嫁娶者行焉季秋霜降冰泮而農桑起

婚禮殺焉

史記曰姜嫄為帝嚳元妃出野見巨人跡悅欲踐之踐而

身動如孕期而生子以為不祥弃渠冰上飛鳥以翼覆薦

之

薛瑩後漢書曰靈帝光和六年冬北海東萊琅邪井冰厚

丈餘

又曰光武至薊土王郎使者至上發薊晨夜馳驚至曲陽

呼沱河道東還言河流漸無船不可渡遣王霸往視實然

霸念恐驚眾即還曰冰堅可渡比至冰可乘帝遂得渡
漢書曰晁錯上書曰夫胡貉之地積陰之處也木皮三寸
冰厚六尺

藏榮緒晉書曰王祥字休徵後母朱氏思生魚時河水冰
堅祥朝朝冒厲風於河涯伺魚一朝忽冰開小穴有雙鯉
跳出

王隱晉書曰慕容皝上言正月十二日躬征平郭遠假陸
下天地之威將士竭命精誠感靈海為冰結凌行海中三
百餘里臣問故老初無海冰之歲平郭蓋近昌黎城也

北齊書曰文宣時周人常懼齊兵之西度恒以冬月守河
椎冰及後主即位朝政多紊齊人椎冰懼周兵之逼斛律
光憂曰國家常有吞關隴之志今日至此

東方朔神異經曰北方有冰萬里冰厚百丈鼯鼠在冰下

土中焉其毛長八尺可為禱卻風寒

王子年拾遺記曰東海貧嶠山有冰蠶長七寸有鱗角以
霜雪覆之始為繭其色五采織為文錦入水不濡投火不

燎

南燕錄曰慕容德正月渡黎陽津流澌冰合鄴令韓軌言
於德曰昔光武渡呼淹冰澌自合今大王濟河天橋自成
德乃大悅

異苑曰石勒伐劉曜於洛陽從大河南濟時河凍將合軍
至而冰自泮舟楫無闕遂生擒曜謂是神靈之助
又曰高平閭丘孝婦以元嘉中懷娠生一團冰得日便消
液成水也

吳越春秋曰越王念復吳怨非一旦也苦思勞心夜以接
日冬寒則抱冰夏熱則握火

趙書曰劉曜攻石勒將戰曜飲乘醉乘大赤馬無故躡躅不可近於是退赤馬及合陣敗走曜體素壯馬小不勝陷冰為石堪所擒

博物志曰削冰令員舉以向日艾承其影則有火西京雜記曰漢制以酒滴為書取其不冰以玉為硯亦取其不冰也

陸機洛陽記曰冰室在宣陽門內恒有冰天子用賜王公衆官

戴延之西征記曰凌雲臺有冰井延之以六月持去經日猶堅也

述征記曰冰井在凌雲臺北古舊藏冰處

鄧析書曰明君之御民若乘奔而去轡履冰而負重

晏子曰景公伐魯得東門無澤問之魯年穀何如對曰陰

水凝陽冰厚五寸晏子曰如是則寒溫節也寒溫節則政平政平則年穀熟請禮魯以息怨也

老子曰渙若冰將釋

莊子曰夏蟲不可以語於冰者篤於時也曲士不可以語於道者束於教也

又曰朝受命而夕飲冰我其內熱歟

孫卿子曰冰生於水而寒於水

淮南子曰淮海有不死之草北方有不釋之冰

又曰夫水向冬則凝而為冰迎春則釋而為水冰水弛易乎前後

又曰見一葉之落知歲將暮觀瓶中之冰而知天下之寒以近論遠也

論衡曰夫燠一炬火囊一鑊水終日而不熱也倚一尺冰

置庖廚中終夜而不寒也

風俗通曰積冰曰凌壯冰曰凍冰流曰澌冰解曰泮

魏子曰居危殆之國治不善之民是猶薄冰當白日藜毛過猛火也

抱朴子曰五玉不染而堅寒冰不礪而朗

又曰蹈薄冰以待夏月登朽枝而須勁風

新論曰畫水鏤冰與時消釋

潮

說文曰潮朝也從水朝

風土記曰俗說鯢一名海鱸長數千里穴居海底入穴則

水溢為潮出穴則水入潮退出入有節故潮水有期

祖台之志怪曰隆安中陳惺於江邊作魚篋正匪切潮去於

篋中得一女人長六尺有容色無衣服水去不能動卧沙

中與語不應人有就辱之惺夜夢云我是江黃昨失道落

君篋小人遂見加凌今當白尊神殺之惺不敢移潮來自

逐水去姦者尋病死日齊衛水矣

吳越春秋曰吳賜子胥劍而死乃投之江中子胥因揚波

成濤隨潮往來吳越春秋曰吳賜子胥劍而死乃投之江中子胥因揚波

博物志曰東海中有牛魚其魚形如牛剥其皮懸之潮水

至則毛起潮去則毛復也天神得之始遊而風吹水

臨海異物志曰石鷄清響以應潮慧軀輕逝以遠繫石雞形似

家雞在海中山上每潮水將至輒群鳴相應若家雞之向晨也

裴淵廣州記曰石洲在海中名為黃山山北日一朝山南

日再潮一萬五千

抱朴子曰糜氏云潮者據朝來也汐者言夕至也七月之

中天再東再西故潮水再大再小也又夏時日居南宿陰

消陽盛而天高一萬五千里故夏潮大也冬時日居北宿陰盛陽消而天卑一萬五千里故冬潮小也又春日居東宿天高一萬五千里故春潮漸起也秋日居西宿天卑一萬五千里故秋潮漸減也

又曰天河從北極分爲兩頭至於南極其一經南斗中過其一經東斗中過兩河隨天轉入地下過而與下水相得又與海水合三水相蕩而天轉排之故激涌而成潮水又曰濤水者潮也取物多者其力盛來遠者其勢大今潮水從東地廣道遠乍入狹剡陵山觸岸從直赴曲其勢不泄故隆崇涌起而爲濤俗人云濤是伍子胥所作妄也子胥始死耳天地開闢已有濤水矣

川

說文曰川貫穿通流水也

釋名曰川者穿地而流也

易曰地險山川丘陵也王公設險以守其國

又曰利涉大川

書曰予決九川距四海王肅曰九川者九州之川也

又曰若濟大川用汝作舟楫

又曰九山刊旅九川滌源

禮曰天降時雨山川出雲

周禮曰揚州其川三江荊州其川江漢豫州其川滎洛青州其川淮泗兗州其川河洸雍州其川涇汭幽州其川河

濟冀州其川漳并州其川呼淹

又曰兩山之間必有川焉大川之間必有途焉

大戴禮曰聖人有國則川澤不竭

蔡邕月令章句曰衆流注海曰川

國語曰幽王二年三川皆震

又曰厲王虐國人謗王邵公告王曰民不堪命矣王怒得衛巫使監謗者以告則殺之國莫敢言道路以目王喜告邵公曰吾能弭謗矣乃不敢言邵公曰是鄭之也防民之口甚於防川川壅而潰傷人必多民亦如之是故爲川決之使導爲民宣之使言

語日子在川上曰逝者如斯夫不舍晝夜

水經注竹書記年曰藍田川有漢臨江王榮塚景帝以罪徵之將行祖於江陵北門車軸折父老泣曰吾王不反矣榮至都中尉郅都急切責王王年少恐而自殺葬於是川有鷓數萬銜土置塚上百姓憐之

水經注曰龍魚川澤漲不測出五色魚俗以爲靈而莫敢採捕因謂是水爲龍魚水自下亦通謂之龍魚川

又曰祥川者漢戚夫人所生處也高祖得而寵之改其地爲祥川用表夫人載誕之休祥也

秦州記曰枹罕原地有鳳林川川中則黃河水東流

莊子曰昔者禹之堙洪水決江河而道四夷九州名川三百支川三千小者無數

方輿記云清涼川在興道縣北

唐史云德宗皇帝以朱泚之難幸梁洋中書舍人齊映從駕至此川見旌旗蔽野上心駭謂泚之追兵疾路至此見梁帥嚴震具軍容拜馬前敘君臣離亂流涕久之上喜令震登馬與朕作主人映曰嚴震與至尊導馬御膳自有所司頃之上次洋州行宮召映責以儒生不達兵機煙塵時務姑息主帥映奏曰山南士庶只知有嚴震不知有陛下且今天威親臨令巴蜀士民知天子之尊亦足以盡嚴震

為臣子之節上歎之良久震聞特拜謝映時議多之即此
 川也恩主頓頭表曰山南土氣只噴亦遇費不噴亦噴不
 向進文士大籍似許宮許相資自勤本不發其難致與
 登登其難致與大難日噴噴與主山南土氣只噴亦遇費不噴亦噴
 梁朝梁朝其軍容戰戰前梁朝其難致與人之主其
 其難致與人之主其難致與人之主其難致與人之主其
 其難致與人之主其難致與人之主其難致與人之主其
 其難致與人之主其難致與人之主其難致與人之主其

太平御覽卷第六十八

百支八三年小亦其難致與人之主其難致與人之主其
 其難致與人之主其難致與人之主其難致與人之主其
 其難致與人之主其難致與人之主其難致與人之主其
 其難致與人之主其難致與人之主其難致與人之主其
 其難致與人之主其難致與人之主其難致與人之主其

太平御覽卷第六十九

地部三十四

大澗

湍瀨附

灘

釋名曰澗者言在兩山間也

詩曰秩秩斯于秩秩流行也于澗也

又曰于以采蘋于澗之中

又曰于以采蘋南澗之濱

又曰考盤在澗碩人之寬

爾雅曰兩山夾水曰澗

漢書曰沛公與項籍臨廣武澗而語數籍十罪

東觀漢記曰耿恭以踈勒城傍有水徙居之匈奴來攻絕

其澗水吏笮馬糞汁飲之

水經注曰洛水東北流注于公路澗但世俗音訛號之曰光祿澗非也
 異苑曰符堅為慕容冲所襲堅馳騶馬墮而落澗追兵幾及計無由出馬即脚躡臨澗垂鞚與堅堅不能及馬又跪授焉堅攀之得登岸而走

幽明錄曰人有山行墜澗者無出路飢餓欲死見龜虵甚多朝暮引頸向四方人因學之遂不復飢體殊輕便能登巖岸經數年後竦身舉臂遂超出澗上即得還家顏色悅澤頗更聰慧洎食穀啖滋味百日復其本質

郡國志曰漢武元封二年有白羊出庸澗初出一羊野中婦人大驚拍手羊因止今俗生羊禁婦人拍手是也

又水經曰吳房縣山溪有白羊澗澗水出羊
 又曰赤松澗在東陽赤松子遊金華山以火自燒而化故

山上有赤松子之祠澗自山出故曰赤松澗
 十道志曰廣武澗在今滎澤縣西

又西征記三皇山上有二澗謂東西廣武澗相去二百餘步隨河水從中東南流今無水今城東有高壇即項羽坐太公於上以示漢軍處一謂鴻溝

盧氏嵩山記曰半馬澗人或云百馬澗亦曰拜馬澗故老傳王子晉得仙而馬還國人思之不見乃拜其馬於此也
 韓子曰董安于為趙上地守行石阜山見深澗深百仞問其御左右曰人嘗有入此乎曰無有嬰兒狂聾人入此乎曰無有牛馬犬豕入此乎曰無有安于歎曰吾能治矣使吾法之無赦猶入澗之必死則民莫之犯也

詩曰關關雎鳩在河之洲

爾雅曰水中可居者曰洲四方有水中央獨高可居也

史記曰越王勾踐平吳徙夫差於甬東韋昭曰即句章東

溪口外洲是也

晉書曰殷仲堪為荊州刺史先是仲堪遊於江濱見流棺

接而葬焉旬日間門前之溝忽起成岸其夕有人通仲堪

自稱徐伯元云感君之惠無以報也堪因問門前之岸是

何祥乎對曰水中有岸其名為洲君將為州言終而沒至

是果臨荊州

王隱晉書曰朱崖在大海中遙望朱崖洲大如菌舉帆一

日一夜至洲周匝二千里徑度七八百里可十萬家女多

姣好長髮美鬢

吳錄地理志曰吳富春縣有沙漲武烈為郡吏赴府鄉人

餞之會於沙上父老曰此沙狹而長君後當為長沙太守

後果然因名孫洲

吳志曰孫權遣衛溫諸葛直將甲士萬人浮海求夷洲及

亶洲在海中長老傳言秦始皇遣方士徐福將童男女

數千人入海求蓬萊神仙及仙藥止此不還世世相承有

萬家其上人民時有至會稽貨市

隋圖經曰漢水逕琵琶谷至滄浪洲洲即漁父棹歌處庾

仲雍記云謂之千齡洲

水經注曰龍陽縣之洲洲長二十里吳丹陽太守李衡植

柑橘於其上臨死勅其子曰吾洲里有木奴千頭不置汝

衣食歲縮千疋

又曰崢嶸洲冠軍將軍劉毅破相立於此洲

山海經曰郁洲一曰都洲在海中郭璞注曰即東海鬱洲

山也傳此洲從倉梧徙來上有南方物

扶南傳曰漲海中到珊瑚洲洲底有盤石珊瑚生其上也
 西京雜記曰梁孝王兔園之中又有鴈池池有鶴洲諸宮
 館相連異樹恠獸靡不畢備王與宮人賓客弋釣其中
 吳地記曰長洲在姑蘇南太湖北岸闔閭所遊獵處也吳
 主遣徐祥至魏魏太祖與祥曰孤比者願越橫江之津與
 孫將軍遊姑蘇之上獵長洲之苑吾志足矣祥對曰大王
 欲奉至順以合諸侯若越橫江而遊姑蘇是踵亡秦而躡
 夫差恐天下之事去矣太祖笑曰徐生得無逆詐耶
 湘中記曰或曰昭潭無底橋洲浮昭潭湘水至深也橋洲每大水諸洲悉沒而橋洲獨存焉
 王韶之始興記曰城西百餘步有棲霞樓臨川王營置清
 暑遊焉羅君章居之因名為羅公洲樓下洲上菓竹交蔭
 長楊傍映高梧前竦雖即城隍趣同丘壑

盛弘之荊州記曰南江上有龍洲下有寵洲二洲之間舊
 云多魚而投罟揮網輒便掛絕乃有客沒而視之中水有
 牛二頭常為破網故魚者患之
 又曰江津東十餘里有中夏洲洲之首江之汜也故屈原
 云經夏首而西浮又二十餘里有涌口所謂闔敖遊涌而
 逸二水之間謂之夏洲首尾七百里
 又曰枝江縣西至上明東及江津其中有九十九洲楚諺
 曰洲不滿百故不出王者栢玄有問鼎之志乃增一為兩
 以充百數僭號旬時身屠宗滅及其傾覆洲亦消毀至宋
 文帝在藩忽生一洲果龍飛江表斯有驗矣
 荊州圖副曰百里洲其上平廣土沃人豐湖澤所產足穰
 儉歲又特宜五果甘柰梨蔗於此是出
 荊南志曰枝江縣界內洲大小凡三十七其十九有人居

十八無人

劉禎京口記曰嘉子洲西一里得貴洲周迴四十里許上多有居民昔魏文帝伐孫權至此洲南望曰彼人有焉而退因名曰貴洲

迹征記曰晉寧縣有龍莽洲父老云龍蛻骨於此洲其水今猶多龍骨

山謙之丹陽記曰江寧縣南二十五里有列洲晉簡文帝為相時會相溫處也

郡國志曰潮州白嶼洲亦自浮來後會稽人姓丁識之云曾藏銅熨斗於洲上往取果得

又曰潤州長命洲梁武放生處後魏使李諧來聘武帝問曰彼國亦放生否諧曰不取亦不放帝大慙

荆州圖經曰襄陽縣南八里峴山東南一十里江中有蔡

洲漢長水校尉蔡瑁所居宗族強盛共保蔡洲為王知所

沒一宗都盡

又曰武當縣西北四十里江中有滄浪洲長四里廣十三里禹貢稱漢水東流為滄浪水疑此洲是也

方言曰水可居者為洲三輔謂之淤郭璞注曰上林賦云行於洲淤之浦

輿地志曰伍子胥叛楚出關於江上見漁父求渡時傍多人漁父歌曰日月灼灼兮侵己私與子期兮蘆之崎子胥

既渡解百金之劍與漁父漁父曰楚購子粟五萬爵執圭豈百金之劍乎子胥曰勿令其露漁父知意遂覆舟而死

其處是灑洲水路去洲一百九十里

江夏記曰鸚鵡洲在縣北案後漢書曰黃祖為江夏太守時黃祖太子射賓客大會有獻鸚鵡於此洲故以為名又荆州記曰江夏郡城西臨江有黃鶴磯又有鸚鵡州侯

景令宋子仙夜襲江夏藏船於鸚鵡洲又言鸚鵡洲
 建安記曰郡西南大溪之中有仙人洲昔梅真人上昇墜
 馬於此洲故後名墜馬洲案舊唐書曰昔時欲取江夏太守
 鄱陽記曰蠙洲在縣西南溪中有蚌出珠貞觀年中因雨
 雹乃有蚌出珠百姓採之咸亦不空其水平淺可涉或
 丹陽記曰白鷺洲在縣西三里隔江中心南邊新林浦西
 對白鷺洲洲在太江中多聚白鷺因名之今江之南
 又曰烈洲在縣西南輿地志云吳舊津所也內有小水堪
 泊船商客多停以避烈風故以名焉王濬伐吳宿於此簡
 文為相時會桓玄之所也亦曰溧洲洲上有山山形似栗
 狀迤北征賦謂之烈洲里
 又曰吳時客館在蔡洲上以舍遠使蘇峻作逆陶侃等率
 所統同赴京師直指石頭次于蔡洲是

又曰張公洲在縣西南梁書太清二年豫州刺史裴東之
 等舟師二萬次張公洲二年陳霸先擊破侯子監師至張
 公洲並此處

又曰加子洲在縣西南
 三十國春秋曰晉咸和二年温嶠與陶侃起義兵伐蘇峻
 帥師四萬直指石頭侃泊加子洲即此處也夏月堪泊船
 冬月淺涸自永昌之初其洲忽一朝崩陷數里隨其形曲
 折凡作九灣行者所依東西浩然矣
 尋陽記曰鵲洲在縣北傳曰昭公五年楚以諸侯伐吳吳
 敗之於鵲岸按鵲頭與鵲尾相去八十里杜預注云吳地
 也廬江舒縣東南有鵲尾渚

湍湍附

廣雅曰湍瀨也

水經注曰益陽縣西有關羽瀨所謂關侯瀨也南對甘寧故壘昔關羽屯軍水北孫權令魯肅甘寧拒之於是水寧謂肅曰羽聞吾咳唾之聲不敢渡也渡則成擒矣羽夜聞其處分曰興霸聲也遂不渡

又曰漢水東爲鱸湍洪波奔蕩崩浪雲頽古老言有鱸魚奮鱗遡流望濤直上至此則曝鳃失濟故因名湍

異苑曰永嘉郡有百簿瀨郡人斷水捕魚宰牲禱祭以祈多獲逾時了無所得衆侶忿怨弃業將罷其夕並夢見老公云諸君且可小停要思其宜夜忽聞有跳躍聲驚起共看乃是大魚劉以爲膾頓獲百簿故因以百簿名瀨

益部耆舊傳曰犍爲符泥和氏女名光雉和父乘船城湍墮水物故尸喪不得雄哀慟號眺乘小船於父沒處哭數聲自投水死後與父相持浮出

盛弘之荊州記曰桂陽來陽縣有兩瀨每縣旱百姓共壅之甘雨普降若一鄉獨壅雨亦徧應東有博望灘張騫使外國經此船沒因以名灘瀨下接魚復縣界有羊腹虎臂瀨陽亮爲益州至此覆没人至今猶名爲使君灘

鄭緝之東陽記曰信安縣去石門四十里瀨邊悉有石牒長三尺許似羅列雜繪如店肆也

鄧德明南康記曰康贛水奔流二百餘里橫波嶮瀨二十四處

灘

益州記曰伏犀灘東南六十里有黃牛像其崖峻嶮遠望之斑潤頗像黃牛

又水經云昔有黃牛從犍溪出而上此崖乃化爲石是名伏犀灘

又曰荔枝灘東南二十里山頂上有一家豕唯有女貞樹
 樹上恒有白猿栖息郡國志云輿道有玉女豕是
 水經注曰江水又東逕狼尾灘而歷人灘表山松云二灘
 相去二里人灘水至峻峭南岸有青石夏沒冬出其石嶽
 崆數十步中悉作人面形或大或小其分明者鬚髮皆具
 因名人灘也江水又東逕黃牛山下有灘名曰黃牛灘南
 岸重嶺疊起最外高崖間有石色如人負刀牽牛人黑牛
 黃成就分明既人跡所絕莫得究焉此巖既高加以江湍
 紆迴雖途逕信宿猶望見此物故行者謠曰朝發黃牛暮
 宿黃牛言水路紆深迴環望如一矣

太平御覽卷第六十九

太平御覽卷第七十

地部三十五

淵

泉水

淵

說文曰淵回水也

尚書逸篇曰堯子丹朱不肖舜使居丹淵為諸侯

韓詩外傳曰東海之上有士曰菑丘訢以勇遊於天下過

神淵飲馬馬果沉菑丘訢朝服拔劍而入三日三夜殺三

蛟一龍而出雷電隨而擊之十日十夜眇其左目

大戴禮曰聖人有國則淵不湧

傳曰鄭子產曰昔堯殛鯀于羽山其神化為黃龍以入于

羽淵

又曰鄭大水龍闕于時門之外洧淵

時門鄭城門也

水經注曰白鹿淵南北三百步東西千餘步深三丈餘其水冬清而夏濁淡然不流

九州記曰樂壽縣有房淵方三百里石勒建平二年水忽變為赤燕慕容儁二年水忽生鹽如外形其淵一日再長再減不失其度居近者時見龍狗之狀戲於旁葉落於淵者輒有羣燕銜出

盛弘之荊州記曰新野城北有柴山山上有清泠之淵耕父楊光之魃

又曰魚復縣有神淵北有白鹽崖天旱火燃崖上推其灰燼下降淵中尋則降雨西有龍淵清深不測傳云漢祖伐秦經途於此見淵中白壁赤柱狀若官府因名龍淵宜都山川記曰鄉下村有淵淵有神龍每旱百姓輒以蒿草投淵上流魚死龍怒應時天雨

齊地記曰琅琊臺上有神淵汚之則竭齊戒卽出

莊子曰舜以天子讓其友北人無擇無擇曰異哉欲以其辱汚漫我羞之自投於清泠之淵

管子曰水出於地而不流者命之曰淵
隨巢子曰夏桀德衰岱淵沸

尸子曰龍淵有玉英
司馬相如上林賦曰丹水更其南紫淵經其北

泉水

說文曰泉水源也

易蒙卦曰山下有泉蒙君子以果行育德

詩曰泉水衛女思歸嗟彼泉水亦流于淇有懷于衛靡日不思

又曰爰有寒泉在浚之下

又曰泉源在左洪水在右

又曰莫高匪山莫浚匪泉

又曰相彼泉水載清載濁

又曰原隰既平泉流既清召伯有誠王心則寧

又曰鬻沸檻泉

傳曰鄭伯寘姜氏于城穎而誓之曰不及黃泉無相見也
既而悔之穎考叔問公公語其故對曰君何患焉若闕地
及泉隧而相見其誰曰不然公從之

論語撰考識曰水名盜泉仲尼不漱

應劭漢官儀曰酒泉城下有金泉味如酒故曰酒泉郡

三秦記曰酒泉郡中有井味如酒也

晉安帝紀曰吳隱之字處默性廉操栢玄欲救嶺南之弊
以隱之為刺史州界有一水父老云飲此水者廉士皆貪

厲
隱之始踐境先至水所酌而飲之因賦詩以言志清操逾

沉約宋書曰王彭野貽人少喪母元嘉初父又亡家貧力
弱營葬鄉人助作塹須得水天旱穿井數十丈無水一旦
塹竈前忽生泉用之事畢復竭助者嗟歎

隋書曰豆盧勣武帝嗣位拜涇州刺史甚有惠政華夷悅
服德澤流行天降祥瑞鳥鼠山谷呼為高武隴其下渭水
所出其山絕壁千尋由來乏水諸羌苦之勣馬足所踐忽
飛泉涌出有白鳥翔止廳前乳子而後去又白狼見於襄
武民為之謠曰我有丹陽山出玉漿濟我民夷神鳥來翔
百姓因號其泉為玉漿泉

唐書曰安金藏京兆長安人為太常丞初喪母寓葬於都
南闕口之北廬於墓側躬造石墳石塔晝夜不息原上舊

無水忽有湧泉自出

遁甲開山圖榮氏解曰女狄暮汲石紐山下泉水中得月精如鷄子愛而含之不覺而吞遂有娠十四月生夏禹

水經注曰若耶溪東又有寒溪溪北有鄭公泉泉方數丈

冬溫夏涼漢太尉鄭公弘宿居潭側因以名泉

又曰橫流溪溪水甚小冬夏不乾俗亦爲貪泉飲者輒冒

於財賄同於廣州石門貪流矣廉介爲二千石則不飲之

昔吳隱之挹而不亂豈謂能汨其真乎蓋亦惡其名也

又曰汲縣城北三十里有太公泉泉上又有太公廟廟側

高林秀木翹楚競茂相傳云太公之故居也

又曰土穀縣故城西水源方百步百泉俱出故謂之百脉

水

又曰霍太山上有岳廟廟甚有靈鳥雀不栖其林猛虎常

守其廷又有靈泉供祭事鼓動則泉流聲絕則水竭也

又曰長城背山面澤謂之白道城北出有高坂謂之白道

嶺公路唯土穴出泉挹之不窮古詩飲馬長城窟非虛言

也

風土記曰陽羨縣西南有泉常有紫黃色浮見水上出金

之地也

蓋部耆舊傳曰姜詩母好食生魚飲江水詩至誠之感一

朝湧泉在於門側流引江魚以給饈羞

十洲記曰瀛洲有玉膏山出泉如酒味名之爲玉酒也

玄中記曰東方有柴渚焉在齊國山山泉如井狀深不測

至春時電從井中出出常敗五穀人常以林木柴塞則不

出故名爲柴渚焉

魏土地記曰頌陽縣東八十里有駁牛山山下有百泉競

發有一神牛駁身自山而下飲泉竭故山得其名
魏記曰洛城東南六十里有涿鹿城城東一里有阪泉泉
上有黃帝祠
三輔舊事曰昔有犢失母哀鳴甚苦地爲發泉因名鳴犢
泉今天旱祭之降雨在馮翊
又曰姜泉在岐山縣○皇甫謐帝王世紀云炎帝神農氏
母有喬氏女登爲少典妃遊華陽感神而生炎帝長於姜
水因以氏焉○酈元注水經云炎帝長於姜水即此水是
焉
義興記曰國山縣有金礪礪中沙石時灼灼如金者舊名
金泉時獲真金也
漢水記曰漢水有泉方員數十步夏常沸涌望見白氣衝
天能差百病常有數百人飲浴之

宣城記曰臨城縣南四十里有蓋山登百許步有舒姑泉
昔有舒氏女與其父斫薪於泉處坐牽挽不動父還告家
比還唯見清泉女母曰吾女本好音樂乃絃歌泉涌涸流
見朱鯉一雙令作樂嬉戲泉故涌出
周景式廬山記曰山西有龍泉精舍初遠法師遣諸道人
行卜地息此而渴法師因以杖掘地卽泉出天旱法師令
道人讀海龍王經泉中有物如虵而出角騰空中去須臾
而雨
括地圖記曰昆丘之上有赤泉飲之不老神宮有美泉飲
之眠三百歲乃覺不死
盛弘之荊州記曰城東北三百步有孔子泉其水甘馨雖
帝漿無以過也
又曰宜都夷陸縣南勾將山下有三泉傳云本無此泉居

者苦於汲水有一女子孤貧忽有一乞人瘡癩資體村人無不稱惡此女哀矜飴之乞人乃腰中出刀刺山下三處即飛泉涌出

尋陽記曰莫山有澗深尺餘朝夕輒有湧泉溢出如潮號為潮泉

外國圖曰員丘有赤泉飲之不老

郡國志曰蘭舟有梁泉昔梁暉者為羌所圍無水暉以鞭扣地以青羊祈山神湧泉出而榆木成林

又曰肅州延壽地有山出泉注地水肥如肉汁燃之極明與膏無異但不可食此方人謂之石漆得水愈熾

呂氏春秋曰太公釣於滋泉

又曰水之美者崑崙之井高泉之山有涌泉焉

淮南子曰正土之氣仰乎埃天正土中土也其氣埃天丘上小埃天中少也

百歲生硃硃石名也中央數五硃五百歲生黃埃黃埃五

百歲生黃瀨黃瀨硃化黃瀨五百歲生黃金黃瀨五百歲化而為黃金

也黃金千歲生黃龍黃金之精黃龍入藏生黃泉黃泉黃龍之精

也黃泉之埃上為黃雲其氣上陰陽相薄為雷激揚為電

言黃氣之相激薄也上者就下其氣復復流水就通而合乎黃海言

從天下則通偏土之氣仰乎青天偏土東青天八百歲生

青增青增青石也東方數八青增八百歲生青瀨青瀨入

百歲生青金青金千歲生青龍青龍入藏生青泉青泉之

埃上為青雲陰陽相薄為雷激揚為電上者就下流水就

通而合乎青海牡土之氣仰於赤天牡土南赤天七百歲

生赤丹赤丹沙也南方數七赤丹七百歲生赤瀨赤瀨七

百歲生赤金赤金沙也赤金千歲生赤龍赤龍

入藏生赤泉赤泉之埃上為赤雲陰陽相薄為雷激揚為

電上者就下流水就通而合乎赤海弱土之氣仰乎白天
弱土也西白天九百歲生白礬白礬礬石也西方數九白礬
九百歲生白頰白頰九百歲生白金白金千歲生白龍白
龍入藏生白泉白泉之埃上爲白雲陰陽相薄爲雷激揚
爲電上者就下流水就通而合乎白海北土之氣仰乎玄
天北土也玄天六百歲生玄砥砥石也北方數六故玄砥
六百歲生玄頰玄頰六百歲生玄金玄金千歲生玄龍玄
龍入藏生玄泉玄泉之埃上爲玄雲陰陽相薄爲雷激揚
爲電上者就下流水就通而合乎玄海
又曰崑崙四水者帝之神泉以和百藥以潤萬物也
傅咸神泉賦曰余所居庭庭前有湧泉在夏則冷涉冬而
溫每夏遊之不知歲之有暑
抱朴子曰崑崙及蓬萊其上鳥獸飲玉井泉皆長生不死

也

李華雲母泉詩序曰洞庭湖西玄石山俗謂之墨山山南
有佛寺寺倚松嶺松嶺下有雲母泉泉出石引流分渠周
遍庭宇發源如乳源末派如淳漿烹茶灌園漱濯皆用之
大浸不盈大旱不耗自墨山西北至石門東南至東陵廣
二十里盡生雲母牆階道路光彩如列星井泉溪澗色皆
純白鄉人皆壽考無癘痼疥搔之疾華深樂之

太平御覽卷第七十

太平御覽卷七十一
 水經注曰灤水又南入山瀑布飛梁懸河注壑崩湍十許
 源分爲四國人飲神漢力志平和過則醉經旬迺醒也
 環名曰滋穴有水涌出曰神漢水臭過蘭椒味過醪醴一
 無風雨霜露魚禽草木國中有山名韋嶺頂有穴狀若圓
 列子曰禹之治水而失塗謬之一國其名終北不知際畔
 爾雅曰漢水出尾下漢數問切汾陰有水口如車輪名爲漢尾猶底也
 水經注曰灤水又南入山瀑布飛梁懸河注壑崩湍十許
 源分爲四國人飲神漢力志平和過則醉經旬迺醒也
 環名曰滋穴有水涌出曰神漢水臭過蘭椒味過醪醴一
 無風雨霜露魚禽草木國中有山名韋嶺頂有穴狀若圓
 列子曰禹之治水而失塗謬之一國其名終北不知際畔
 爾雅曰漢水出尾下漢數問切汾陰有水口如車輪名爲漢尾猶底也

太平御覽卷第七十一

地部三十六

- 漢水 瀑布 溫泉 潢 津 渚
- 瀉 泚 坻 涓 瀆 洑
- 波

漢水

爾雅曰漢水出尾下漢數問切汾陰有水口如車輪名爲漢尾猶底也
 列子曰禹之治水而失塗謬之一國其名終北不知際畔
 無風雨霜露魚禽草木國中有山名韋嶺頂有穴狀若圓
 環名曰滋穴有水涌出曰神漢水臭過蘭椒味過醪醴一
 源分爲四國人飲神漢力志平和過則醉經旬迺醒也
 瀑布水

丈謂之馬落山

幽明錄曰三峯最為竦桀自非清霽素朝不可望見峯下有泉飛流如舒一疋綃分映青林直注山下雖織羅不動其上脩脩恒淒清風也

臨海記曰郡西北有白鶴山山有池水懸注遙望見如倒挂白鶴因以名山上有深湖湖中又有魚如二百斛舡大長二丈許

羅浮山記曰羅嶺之南有瀑布挂泉四十餘丈

周景式廬山記曰泉在黃龍南數里即瀑布水也土人謂之泉湖其水出山腹挂流三四百丈飛湍於林峯表出望之若懸索注水處石悉成井其深不測也
何尚之清暑殿賦曰深波奔上瀑布懸下

孫興公天台山賦曰赤城霞起以建標瀑布飛流而界道

竺法真登羅山疏曰增城縣有石溝深廣三丈有兩瀑布皆同注此溝相傳云是仙人流杯池水

溫泉

華陽國志曰邛都縣南有溫水冬夏常熱其源可湯雞豚下流澡洗治宿病餘多惡水水神自司不可穢污及汎亂髮照面使人惡疾

幽明錄曰始興靈水源有湯泉每至雪霜見其上蒸氣高數十丈生物投之須臾便熟

吳錄曰始興縣有始興山山出溫泉可以淪雞

山海經曰溫水出空峒山山在臨汾南入河逕陽北也

幽明錄曰艾縣輔山有溫冷二泉同出一山之足兩泉發源相去數尺熱泉可以淪雞冷泉常若冰生

博物志曰不周山六川之水溫如湯也

辛氏三秦記曰始皇生時作閣道至驪山八十里人行橋上車行橋下金石柱見存西有溫水俗云始皇與神女戲不以禮女唾之則生瘡始皇怖謝神女爲出溫泉洗除後人因洗浴

江乘地記曰東南三十五里有湯泉半冷半溫共同一壑盛弘之荊州記曰新都縣有溫泉冬月未至數里遙見白氣如烟上下交映狀如綺疏又有車輪雙轆形世人傳昔有玉女乘車自投此泉人時見女子姿儀光麗往來倏忽人造泉所一有聲則沸從下出而不可止也

又曰棗陽縣界有溫泉其下有田資以浸灌一年三熟王孚安城記曰宜陽縣南鄉有溫泉焉以生雞卵投其中熟如煮也

伏琛齊地記曰曲城東七十里有溫水水如湯沸可療百

病煮物無不熟也

水經注曰溫水出太一山其水沸湧如湯杜彥達曰可治百病世清則病愈世濁則無驗

說文曰潢積水池也

晏子春秋曰景公與晏子立曲潢之上公望見齊國問晏子曰後世孰將踐有齊者晏子對曰非賤臣之所敢議

論語曰長沮桀溺耦而耕孔子過之使子路問津焉長沮

曰夫執輿者爲誰子路曰爲孔丘曰是魯孔丘與曰是也

晉書曰雷煥卒子華爲州從事持劍行經延平津忽於腰間躍出墮水使人沒水取之不見劍但見兩龍各長數丈

蟠縈其文章沒者懼而返須臾光采照水波浪驚沸
崔鴻十六國春秋曰石虎起河橋於靈昌津採石爲中濟
石無大小下輒隨流用功五百餘萬而終不成虎遣散騎
侍郎崔收沈璧中流告誠已地震水流莫不傾壞壓死者
百餘人虎甚怒乃斬工匠止作而還
又曰慕容德正月渡黎陽津流漸冰合鄴令韓軌言於德
曰光武渡呼池漸冰自合大王濟河天橋自成靈命所扶
徵兆已見德大悅改黎陽津爲天橋津
郡國志曰陝州平陸縣小平津張讓劫獻帝處南岸有句
陳壘武王伐紂八百諸侯會處
又曰杜預造河橋於富平卽此也
又曰曹州離狐縣有延津澹臺子羽投璧斷蛟虺
酈善長注水經曰舊東郡白馬縣神馬亭有神馬寺去白

馬津可二十許里東南去白馬縣故城可五十里開山圖
所謂白馬山也山上常有白馬群行悲鳴則河決馳走則
山崩

又曰呂望東海人也老而無遇以釣于周呂望行年五十
賣食棘津七十則屠牛朝歌行年九十身爲帝師
又曰弘農郡有竇津說者咸云漢武微行柏谷遇辱感其
妻深識旣反厚賚賞焉賜以河津令其鬻渡今竇津是也
又曰雲中定襄之間有津曰君子濟昔漢相帝十三年西
幸榆中東行代地洛陽大賈齎金貨隨帝緩行夜迷失道
往投津長津長送之渡河賈人卒死津長埋之其子尋求
父喪發塚舉尸資費一無所損其子悉以金與之津長不
受事聞於帝曰君子也卽名其津爲君子濟
又曰河水東北爲長壽津

迹征記曰涼城至長壽津六十里河之故瀆在焉

異苑曰石勒元初十一年伐劉曜於洛陽從大河南濟時凍將合軍至而冰自泮舟楫無闕遂生擒曜謂是神靈之助改名靈昌津

吳越春秋曰句踐入吳吳王遣之越王伏不敢起吳王遂引上車范蠡為執御至三津之上仰天而歎淚下沾襟曰嗟乎孤厄也不意復生渡此津

渚

釋名曰渚遮也能遮水從傍迴也

詩云鴻飛遵渚公歸無所於汝信處

又曰魚潛在淵或在於渚

又曰鳧鷖在渚公尸來燕來處

廣雅曰渚處也

晉書曰温嶠至牛渚磯水深不可測世云其下多怪物嶠

遂燬犀角而照之須臾見水族覆水奇形異狀或乘車馬

著赤衣者嶠其夜夢人謂已曰與君幽明異路何意相照

也意甚惡之嶠先有齒疾至是拔之中風至鎮未旬而卒

又曰殷羨建元中為豫章太守去郡郡人多附書一百餘

封行至江西石頭渚岸以書擲水中祝曰沉者自沉浮者

自浮殷洪喬非是致書郵故時人號為投書渚

吳興記曰烏程西風渚者防風氏國也

幽明錄曰淮南牛渚津水極深無可筭計人見一金牛形

甚瑰壯以金鑲為渚

文選詩曰雙鸞遊蘭渚

滴

釋名曰滴術也堰使水鬱術也魚梁水碓之類也

爾雅曰人所為日澗澗為舍人日人

澗

釋名曰澗也小可以息其止也廣雅同

詩曰遡洄從之宛在水中澗

又曰菁菁者莪在彼中澗

傳曰澗溪沼澗之莘潢汚行潦之水可薦於鬼神可羞於

王公

坻

說文曰秦謂陵阜日坻○釋名曰坻遲也能小過水使流

遲也○賈誼鵠鳥賦曰乘流爰逝兮得坻則止

涓

神仙傳日河上公漢景帝時結草為庵於河之涓常讀老子帝不解老子數事遣問公不荅帝駕從之公即躍身空

中矣

瀆

說文日瀆水涯也

詩日汝墳道化行也文王之化行乎汝瀆之國也遵彼汝

瀆伐其條枚

又日彼汾沮洳言采其葛

洳

說文日洳水涯也

詩日綿綿葛藟在河之洳

又日所謂伊人在水之洳

波

釋名風吹水成文為瀾瀾連也波體轉流相及連也小波

日淪淪倫也水文相次有倫理也

詩曰有豕白蹄烝涉波矣

魏志曰魏明帝至廣陵臨江觀兵見濤波涵涌歎曰此天所以限南北也遂歸

又曰徐宣從文帝於廣陵六軍乘舟風浪暴起帝船迴倒宣時病在後凌波獨前群僚無至者帝壯之遷尚書

益部耆舊傳曰張霸爲會稽太守入海捕賊遭疾風晦冥波水涌起士卒驚白霸霸曰無得恐太守奉法追賊風必不爲害須臾風靜波止

莊子曰孔子遊乎緇帷之林休坐乎杏壇之上有漁父者

孔子曰其聖人歟乃下求之漁父語訖刺船而去延緣葦

閒顏淵還車子路授綏孔子不顧待水波定不聞桴音而後敢乘桴船

懼也

淮南子曰武王伐紂渡盟津陽侯之波逆如擊疾風晦冥

人馬不相見於是武王左操黃鉞右執白旄瞋目而麾之曰余在天下誰敢害吾意者於是風濟波罷

又曰楚有乘人有乘船而遇大風者波至而恐自投於水非不貪生而畏死或恐死而忘生也

世說曰桓宣武在南州與會稽王會於溧州于時漾舟江側謝公亦在狂風忽起波浪鼓涌非人力所制桓有懼色會稽王亦微異唯謝公怡然自若頃閒風止相問謝曰向那得不懼謝徐笑荅曰何有三才同盡理○孔叢子曰子順謂韓王曰胡越之人同舟濟江中流遇風波其相救如左右手所患同也

廣雅曰陽侯濤大波也

戰國策曰或謂公叔曰乘舟漏而不塞則舟沈矣塞漏舟而輕陽侯之波則舟覆矣今公自以辨於薛公是塞漏舟

而輕陽侯之波也

晉書卷之三十一曰陽侯之波也

漢書卷之九十四曰陽侯之波也

水經注卷之二十一曰陽侯之波也

太平御覽卷第七十一

太平御覽卷第七十一

太平御覽卷第七十一

地部三十七

藪

藪

說文曰藪大澤也

周禮曰楊州之澤藪曰具區荆州之澤藪曰雲夢豫州之

澤藪曰甫田青州之澤藪曰孟諸兗州之澤藪曰大野雍

州之澤藪曰弦蒲幽州之澤藪曰豨養冀州之澤藪曰楊

紆并州之澤藪曰昭餘昭餘皆官名也

國語曰穀洛鬪將毀王宮王欲壅之太子晉諫曰古之長

民者不隳山不崇藪不防川不實澤夫山土之聚也藪物

之歸也

又曰其後伯禹念前之非度度法釐改制量象物天地比類

百則儀之于民而度之群生共之從孫四岳佐之高高下
 下疏川導滯鍾水豐殖九藪汨越九原宅居九嶼嶼內九
 皆可宅合通四海故天無伏陰地無散陽水無沈氣火無
 災燁神無閒行民無淫心時無逆數物無害生師象禹之
 功度之于軌儀莫不嘉績克厭帝心皇天嘉之祚以天下
 爾雅曰魯有大野今高平鉅野晉有大陸今鉅鹿北秦有
 楊紆音誦今在扶風宋有孟諸今在梁國睢陽縣東北也齊有海隅海濱
 燕有昭予北今太原鄭有甫田今南郡華容縣東
 吳越之間有具區今吳縣南大湖即震澤也鄭有甫田今南郡華容縣東
 有焦穫音牙今扶風池謂之十藪
 漢書曰司馬相如論巴蜀父老文云鷓鴣已翔於寥廓之
 宇而羅者猶視於藪澤
 風俗通曰藪厚也草木魚鼈所以厚養人君與百姓也

呂氏春秋曰昭餘祁一名大昭又名漚澤周禮并州藪俗
 名鄆城洎是按藪自太原祁縣連延西接至此

關中記曰弦蒲藪案周禮職方氏雍州其藪曰弦蒲
 晉太康地志云汧縣有蒲谷卿弦中谷乃雍州之弦蒲也

按漢書地理志取蒲藪即弦蒲藪是焉
 水經注曰汧水源出汧山蒲谷鄉雍中谷決為弦蒲藪

澤
 釋名曰下有水曰澤言潤澤也
 又曰水浹出而為澤曰掌水所停處如手中也今兗州人
 謂澤曰掌

說文曰坳澤在崑崙墟下荷澤在山陽胡陸南

易曰麗澤兌君子以朋友講習
 又曰澤中有雷隨君子以嚮晦入宴息

又曰上天下澤履君子以辯上下定民志
 又曰澤上有地臨君子以教思無窮容保民無疆
 又曰山上有澤咸君子以虛受人
 又曰上火下澤睽君子以同而異
 又曰澤上有雷歸妹君子以永終知蔽
 又曰山下有澤損君子以懲忿窒欲
 又曰澤上於地萃君子以除戎器戒不虞
 又曰澤上有水節君子以制數度議德行
 又曰澤中有火革君子以治曆明時
 又曰澤上有風中孚君子以議獄緩死
 又曰澤滅木大過君子以獨立不懼遁世無悶
 又曰澤無水困君子以致命遂志
 又曰象曰澤上於天夬君子以施祿及下居德則忌

河圖曰大迹出雷澤華胥履之生伏羲雷澤澤也

書曰雷夏既澤灘沮會同孔安國注曰雷夏澤名

書大傳曰舜漁於雷澤鄭玄注曰雷澤今屬濟陰

詩曰彼澤之陂有蒲與荷

周禮曰川澤其動物宜鱗物其植物宜膏物其民黑而津
 又曰澤虞掌國澤之政令為之厲禁使其地之人守其財
 物以時入之于王府頒其餘于萬民
 禮曰獺祭魚然後虞人入澤梁
 禮記稽命徵曰王者德禮之制者澤谷中有朱鳥白玉赤
 虵赤龍出焉

傳曰宣十五年晉侯救宋伯宗曰不可古人有言雖鞭之
 長不及馬腹天方授楚未可與爭雖晉之強能違天乎諺
 日高下在心度時川澤納汚濁也山藪藏疾

又曰衛侯出奔齊孫氏追之敗公徒于柯澤濟北東阿縣西南有大澤

又曰叔向母曰深山大澤實生龍蛇古人言龍蛇之

廣雅曰方澤祭地也
太公金匱曰夏桀之時有岑山之冰桀常以十月發民鑿

山穿陵通於河民諫曰孟冬鑿山穿陵是泄天氣發藏天

子失子道後必有敗桀殺之暮年岑山一旦崩為大澤

戰國策曰淳于髡一日見七人於齊宣王王曰千里而一

士是比肩而立百世而一聖若隨踵而生淳于髡曰今求

桔梗於沮澤則累世不得一矣桔梗山中草

史記曰陳餘與張耳相失意解印綬付耳亡入澤中捕魚

又曰封禪書云上郊雍通回中道春至鳴澤

漢書曰高祖以亭長送徒驪山徒道亡到豐西澤中停飲

夜皆解縱曰公等皆去吾亦從此逝矣

又曰秦皇帝常曰東南有天子氣於是東游以厭當之高

祖即自疑亡匿隱巖石之間吕后與人俱求常得之高祖

恠而問之吕后曰季所居上常有雲氣故從往常得季高

祖心喜沛中子弟或聞之多欲附者

西域傳曰康居國西北二千里有奄蔡國控弦十萬臨大

澤而居
又曰河有兩源合東注鹽澤一名昌蒲海去玉門關三百

里廣輪四百里水冬夏不減皆以為潛行地下
續漢書吳祐嘗牧豕於長垣澤中
晉中興書曰劉牢之至五橋澤中敗績兵士殆盡牢之馬

超五丈澗得免
晉書曰陶侃少時漁於雷澤嘗網得一織梭以置于壁石

頃雷雨至遂為龍而去
穆天子傳曰天子北征舍于珠澤

山海經曰稷澤后稷神所馮因以為名也

帝王世紀曰雀山之地一夕為大澤而深九尺

戴延之西征記曰巨澤魯之西界孔子獲麟處

管子曰北澤燒火照臺下管子曰萬乘之國不可無薪而

炊今北澤燒農夫得賣其薪蕘一束十倍

又曰涸澤數百歲水不絕者生慶忌者其狀若人長四寸

黃衣黃冠戴黃蓋乘水鳥好疾馳以其名呼之可使千里

外一日反報此涸澤之精也

文子曰高莫高於天下莫下於澤天高澤下聖人法之

韓子曰魯燒積澤天北風火南倚恐燒國哀公懼自持眾

趨救之

新序曰晉公逐獸于碭入大澤迷不知所出問漁者送出
澤因以諫之公令記其名漁者曰公亟反國臣亦反漁所
又曰楚威王問於宋玉曰先生其有遺行也何士民衆庶
不譽之甚宋玉對曰鯨魚朝發崑崙之墟暮宿於孟諸夫
尺澤之鯢豈能與之量江海之大哉俗之民又安知臣之
所為哉

風俗通曰水草交曰澤言潤萬物以阜民用

水經注曰路温舒鉅鹿縣之東里人里監門使温舒牧羊

澤中取蒲牒用寫書即此澤也

又曰坳澤河水之所潛也其源渾渾泡泡者也東去玉門

陽關一千三百里廣輪四百里其水澄停冬夏不減其中

洄湍雷輪轉為隱輪之脉當其圍流之上飛禽奮翮於霄

中者無不墜於淵波即河水之所潛而出於積石也

又曰徐州豐西澤即高祖斬白蛇之所
 又曰中牟縣圃田澤北與陽武分水澤多麻黃草故述征
 記曰踐縣境便觀斯卉窮則知踰界今雖不能然諒亦非
 謬詩所謂東有茂草也皇武子曰鄭之有原圃猶秦之有
 具囿澤在中牟縣西限長城東極官度北佩渠水東西四
 十許里南北二十許里中有沙岡上下二十四浦津流逕
 通淵潭相接各有名焉有大斬小斬有大灰義魯練秋大
 白楊小白楊散嚇禺中羊圈大鵠小鵠龍鬯澤罷大哀小
 哀大長小長大縮小縮伯丘大蓋牛眼等浦水盛則北注
 渠溢則南播故竹書紀年云梁惠成王十五年入河水于
 甫田又為大溝而引甫水者也
 圖經曰晉有大陸呂氏春秋云晉之大陸猶趙之鉅鹿也
 按隋圖經云大陸大鹿大河即一澤而異名也漢書云路

溫舒取蒲於此澤也亦尚書云納于大麓是此也
 河南圖經曰廣成澤在梁縣西四十里○後漢書云安帝
 永初元年以廣成遊獵地假與貧人于時馬融作廣成頌
 云大漢之初基也揆厥靈囿營于南郊右轡莫板切三途左
 枕嵩岳面據衡陽箕背玉屋浸以波滢演以滎洛金山石
 牀躬起乎其中神泉側出丹水星湟池恠石浮磬混乎其
 陂是此澤也隋大業中置馬牧焉亦名廣陂其溉灌之利
 至今百姓賴之
 輿地志曰梓澤在王城西北三十里與金谷相近又郡國
 志云梓澤即金谷也有金水出焉故謂之金谷晉石季倫
 別墅在焉
 說文曰陂池也

書曰九川滌原九澤既陂

詩曰彼澤之陂有蒲與荷陂澤也

史記曰高祖母曰劉媪嘗息大澤之陂夢與神遇時雷電晦冥見蛟龍於其上已而有娠遂產高祖

又曰甯成抵罪得脫乃詐尅傳出關歸家稱曰仕不至二千石買不至千萬安可比人乎乃貰貸買陂田千餘頃假貧民役數千家焉

漢書曰汝南舊有鴻郟大陂郡以為饒成帝時關東數水陂溢為害方進為丞相以為決去陂水其地肥美省隄防

之費遂奏罷之及翟氏敗後鄉里歸惡於方進言方進請陂下良田不得而奏罷陂顧野王云王莽時嘗苦旱起追

怨方進童謠云壞陂誰翟子威飭我豆食羹芋魁反乎覆陂當復誰言者兩黃鵠建武中太守鄧晨使許陽典復鴻

陂

郟陂以陽為都水掾陽曰昔成帝夢上天天帝怒曰何故壞我濯龍池於是乃因高下形勝起塘四百餘里數年乃

立○汝南舊有鴻郟大陂郡以為饒成帝時關東數水陂溢為害方進為丞相以為決去陂水其地肥美省隄防之費遂奏罷之及翟氏敗後鄉里歸惡於方進言方進請陂下良田不得而奏罷陂顧野王云王莽時嘗苦旱起追怨方進童謠云壞陂誰翟子威飭我豆食羹芋魁反乎覆陂當復誰言者兩黃鵠建武中太守鄧晨使許陽典復鴻陂

續漢書郭林宗入汝南黃叔度過表奉高不宿而去泰曰奉高之器譬之汎濫雖清而易挹也叔度之器汪汪若萬

頃之陂澄之不清撓之不濁不可量也謝承後漢書曰汝南許陽曉以承水脉太守鄧晨署為平

水掾使治鴻郟陂陂成人譖陽言取錢晨繫陽於獄戶自開械自解晨釋之出時日暮陂止有火光引前清德之感

也○汝南舊有鴻郟大陂郡以為饒成帝時關東數水陂溢為害方進為丞相以為決去陂水其地肥美省隄防之費遂奏罷之及翟氏敗後鄉里歸惡於方進言方進請陂下良田不得而奏罷陂顧野王云王莽時嘗苦旱起追怨方進童謠云壞陂誰翟子威飭我豆食羹芋魁反乎覆陂當復誰言者兩黃鵠建武中太守鄧晨使許陽典復鴻陂

魏略曰明帝出次摩陂有龍見於井中帝出觀龍因改摩陂為龍陂○汝南舊有鴻郟大陂郡以為饒成帝時關東數水陂溢為害方進為丞相以為決去陂水其地肥美省隄防之費遂奏罷之及翟氏敗後鄉里歸惡於方進言方進請陂下良田不得而奏罷陂顧野王云王莽時嘗苦旱起追怨方進童謠云壞陂誰翟子威飭我豆食羹芋魁反乎覆陂當復誰言者兩黃鵠建武中太守鄧晨使許陽典復鴻陂

異苑曰東鄉太湖吳庚申歲於此有一軍士五百人將破

堰取魚先以酒肉祈神約令水涸夜夢人云塘水速竭若見巨鱗慎勿殺也又有銅釜並不可發明往汝水翁然而盡得白魚形狀非常小人貪利剖而治之見昨所祭餘食充溢腸內須臾復得釜又取發水便暴出五百人一時沒溺唯督監得存具說事狀于今猶名此湖爲五百陂汝南先賢傳曰鄭敬去吏隱居于蟻陂之陽以魚釣自娛彈琴詠詩常兀坐於陂側隨杞柳之蔭鋪茅靡爲席淮南子曰譬如同陂而溉田其受水均也

孫綽子曰海人曰橫海有魚一吸萬頃之陂
抱朴子曰葛仙公每酒醉常入家門前陂水中卧竟日乃出○方輿記曰新蔡縣葛陂費長房化竹之所後漢於此立葛陂縣
河南圖經曰洛水自苑內上陽宮南瀾東注當宇文暹

版築之時因築斜堤今東北流水衡作堰九所形如堰月謂之月陂

壽春圖經曰芍陂在安豐縣○淮南子曰楚相作期思之陂灌雩婁之野又輿地志崔寔月令云孫叔敖作期思陂即此是也故漢王景爲廬江大守重修起之境內豐給又按芍陂上承淠水南自霍山縣北界騶虞石入號曰濠水是北流注陂中凡經百里灌四萬頃芍魏志音鵲

太平御覽卷七十三
 其間雖多故也又有刻金並不...
 雖得自其形...
 其間雖多故也又有刻金並不...
 雖得自其形...
 其間雖多故也又有刻金並不...
 雖得自其形...

太平御覽卷第七十三

地部三十八

堰埭

橋

說文曰橋水梁也音角水上橫木所以度也亦曰杓音灼今

謂之略杓東楚謂橋為圮

詩曰維鷓音題在梁不濡其翼

又曰造舟為梁

又曰有狐綏綏在彼淇梁

爾雅曰梁莫大於溟梁郭璞注梁即橋也或曰梁石橋也

石杠音寄謂之倚音寄亦曰石橋也

史記曰張良曾閒從容出遊下邳圮上楚人謂橋為圮音怡有老

父衣褐至良所直墮其履圮下顧謂良曰孺子下取履良

下為取履因長跪授之父足受笑而去
 又曰文帝行出中渭橋有一人從橋下走乘輿馬驚吏騎
 捕屬之廷尉張釋之治問曰縣人來如淳曰長安縣人聞蹕匿橋
 下久以為行過即出見車騎即走耳廷尉奏犯蹕當罰金
 又曰西門豹發民鑿十二渠引水灌民田到漢世而長吏
 以為渠水且至馳道不可也遂欲合三渠為一橋鄰人父
 老不肯聽長吏以為西門君所為賢君之法式不可更終
 不聽置之
 漢書曰薛廣德為諫議大夫上酎祭宗廟出便門欲御樓
 舡廣德當乘輿免冠頓首曰宜從橋詔曰大夫冠廣德曰
 陛下不聽臣臣自刎以血汙車輪陛下不得入廟矣上不
 悅光祿大夫張猛進曰乘船危就橋安上曰曉人不當如
 是耶乃從橋

東觀漢記曰班超討焉耆王廣遣其左將比鞬友奉迎超
 賜而遣焉耆國有葦橋之險廣乃絕橋不欲令漢軍入國
 超更從他道渡
 魏略曰驢分國取大秦渡海橋長三百四十里
 又曰洛陽城西橋洛水浮橋三處三柱三公象也
 魏志曰鍾繇嘗與族父瑜至洛陽道遇相者曰此童有貴
 相然當厄水行未十里渡橋馬驚墮水幾死而後至太傅
 又曰景元四年伐蜀鍾會領十餘萬眾分從斜谷入先遣
 牙門將許儀在前治道會在後行而橋穿馬足陷於是斬
 儀
 蜀志曰先主為曹公所追張飛距後據水斷橋無敢近者
 吳志曰陸統字公續從征合肥為右部都督時權徹軍還
 前部已發魏將張遼等奄至津北權使追還前兵兵已遠

勢不相及也統率親近三百人扶扞權出敵已毀橋之兩
板權策馬驅統復還戰
王隱晉書曰杜預啓建河橋于富平津衆論以爲殷周所
都經聖賢而不作者必不可作故也預曰昔造舟爲梁則
河橋之謂也遂作橋成土從百官臨會舉杯勸預曰非君
此橋不立也預曰非陛下之明臣亦不獲奉成聖制也衆
咸稱善○後魏書曰崔亮爲雍州刺史城北渭水淺不通
船行人艱阻會天大雨山水暴至浮出長木數百根藉此
爲用橋遂成立百姓利之至今猶名崔公橋
又曰于栗磳音低從太宗南臨孟津謂栗磳曰可作橋乎磳
曰杜預造橋遺事可想乃編次大船構橋於野坂六軍旣
濟太宗乃深歎焉○北齊書曰張亮守河州文帝於上流
放火船欲燒河橋亮乃備小艇百餘皆載長鑱鑱頭施釘

火船將至即馳小艇以釘釘之引鑱向岸火船不得及橋
全亮之計也

唐書曰韋景駿神龍中累轉肥鄉令縣北界漳水連年泛
溢舊堤迫近水漕雖脩築不息而漂流相繼景駿審其地
勢拓南岸數因高築堤暴水至堤南以無患水去而堤北
稱腴田漳水舊有架柱長橋每年修葺駿又改造爲橋自
是無復水患至今賴焉

戰國策曰豫讓欲爲知伯報讎漆身吞炭襄子當出伏於
橋下至橋馬驚曰是必豫讓也求之果是

述征記曰方與縣鬼橋忽一夜聞人呼喚聲車行雷駭曉
而石橋自成家家牛皆喘息未定

齊地記曰秦始皇作石橋欲渡海觀日出處舊說始皇以
術召石石自行至今皆東首隱軫似鞭撻癡言似馳逐

英雄記曰公孫瓚擊青州黃巾賊大破之還屯廣宗表本
初自往征瓚合戰于界橋南二十里紹將鞠義破瓚於界
城橋斬瓚異州刺史綱嚴又破瓚殿兵於橋上即此梁也
尋陽記曰廬山上有三石梁長數十丈廣不盈尺杳然無
底吳猛將弟子登山過此梁見一翁坐桂樹下以玉杯承
甘露漿與猛又至一處見數人爲猛設玉膏猛弟子竊一
寶欲以來示世人梁卽化如指猛使還寶其梁復如故
三輔故事曰漢丞相夏侯嬰墓在飲馬橋東大道南人謂
之馬冢

三輔黃圖曰秦始皇併天下都咸陽營殿端門四達以則
紫宮渭水貫都象天漢橫橋南渡以法牽牛
襄陽耆舊傳曰木蘭橋今之豬蘭橋是也劉季和以此橋
東大養豬襄陽太守曰此豬屎臭當易名豬蘭橋初如戲

言而百姓遂易其名

郡國志曰漳水建武十一年造紫陌浮橋於水上有天井
堰魏文公時西門豹爲鄴令沉巫處也

又曰通門內有臯橋卽漢臯伯通居此橋以得名梁鴻賃
春之所

常璩華陽國志曰李冰造七橋上應七星故光武謂吳漢
曰安軍宜在七星橋間也

又曰升遷橋在成都縣北十里卽司馬相如題橋柱曰不
乘駟馬高車不過此橋

又曰萬里橋在成都縣南八十里蜀使費禕使吳諸葛亮
送之於此嘆曰萬里之路始於此橋因名萬里橋

地理志曰漳水出上黨鄴中趙武帝於漳水造浮橋接紫
陌故號曰紫陌橋

祖台之志惟曰義興郡溪渚長橋下有蒼蛟吞噉人周處
執劍橋側伺久之遇出於是懸自橋上投下蛟背而刺焉
蛟數創流血丹溪自郡渚至太湖句浦乃死里辭
水經注曰上虞縣亦名虞賓舜避丹朱於此故以名縣百
官從之故縣北有百官橋亦云禹與諸侯會事訖因相虞
樂故曰上虞二說不同未詳孰是
國語曰天根見而水涸水涸而成梁故夏令曰十月而成
梁不使民患涉也
紀年曰周穆王七年大起師東至于九江架鼉鼉以為梁
崔鴻十六國春秋後燕錄曰慕容垂與劉牢之戰于五丈
橋澤晉大敗車騎慕容德等引兵要牢之五丈橋牢之馳
馬跳五丈澗會苻丕救至而免
孟子曰子產為政以其乘車濟人於溱洧故孟子曰可為

惠而不知為政

抱朴子曰尾生與婦人期橋下水至不去以至溺死雖有
信不如無也

王充論衡曰高麗國侍婢有氣如鷄子來下之有娠生子
名東明東明善射王恐其害國欲殺之東明走至掩水以
弓擊水魚鼈為梁既度而魚鼈解散

諸葛亮集曰亮上事曰臣先遣孟琰據武功水東司馬懿
因水漲以二十日出騎萬人來攻琰營臣作車橋賊見橋
垂成便引兵退

吳錄曰句容縣大皇時使陳勳鑿開水道立十二埭以通
吳會諸郡故船行不復由京口

晉中興書曰兗州既平謝玄患水道險澁糧運艱難壅呂

梁水立七埭以利運漕

又曰謝安築埭於新城北百姓賴之故名召伯埭

述征記曰秦梁埭到召伯埭二十里召伯埭到三救埭十五里三救埭到鏡梁埭十五里

晉書曰李矩與汝南太守表孚率衆修洛陽千金堰以利運漕○梁典曰天監十三年魏降人王是陳計求堰淮水以灌壽陽引北方童謠曰荆山爲上格浮山爲下格潼沱爲激溝并灌鉅野澤武帝遂發徒築之令太子右衛率康絢護堰作役人及戰士二十萬於鍾離南超浮山北抵嶼石依岸以築土合脊於中流十四年四月堰將合淮水漂疾輒復決潰衆患之或謂江淮之間多有蛟能乘風雨決壞崖岸其性惡鐵因是引東西二冶故鐵器大則釜鬲小則鑿鋤數千萬斤沈於堰所猶不能合乃伐樹爲井幹埭

以巨石加土其上緣淮百里內岡陵木石無巨細必盡負擔者肩背穿夏日疾疫死者相枕蠅蚩晝合是冬又寒甚淮泗盡凍土死者十七八至十五年四月堰乃成其長九里下闊百四十丈上廣四十五丈高二丈軍人安堵列居于上其水清潔俯視居人墳墓了然皆在其下其壽陽戍因移置八公山上夾淮數百里皆水之所淹人謂絢曰四瀆天所以節宣其氣不可久塞旣而昏霧不解俄而堰決殺數萬人其聲若雷聞三百里中怪物隨流而下或人頭魚身龍形鳥首殊類詭狀不可勝名今號其處爲荆山堰今渦口東岸是

後周書曰賀蘭祥太祖以涇渭漑灌之處渠堰廢毀乃命祥修造富平堰開渠引水東注於洛功用旣畢民獲其利唐書張守珪爲都督瓜州邊地多沙磧不宜稼穡每年少

雨以雪水溉田至是渠堰盡爲賊所毀既地少林木難爲修葺守珪設祭祈禱經宿而山水暴至大漂材木塞澗而流直至城下守珪使取充堰於是水道復舊

晉後略曰張方圍京邑決千金堰水溝渠枯涸井多無泉鄴中記曰當魏文侯時西門豹爲鄴令堰引漳水灌鄴以富魏之河南後史起爲鄴令引漳水十三渠灌漑於魏田數百頃魏益豐實後廢堰田荒魏時更修通天井堰鄴城西面漳水十八里中細流東注鄴城南二十里中作二十堰

語林曰陳協數日輒進阮步兵酒一壺後晉文王修九龍堰阮舉協文王用之堀地得古承水銅龍六枚堰遂成也魏郡圖經曰愜山古堰也今謂之愜山即漢成帝時河決金堤蓋於此運土以塞河頗愜當時人心故謂之爲愜山

在今魏縣西

戴延之西征記曰金漣谷三水合處有千金塢晉即魏陳思王所立引水東灌民今賴之又九州要記洛陽千金塢傍有九龍祠存又地理書曰穀水出爲湖溝置千金以堰之

太平御覽卷第七十三

一斛即與錢一升旬日之間來者雲集塘未成而譎不復取於是載土石者棄置而去塘以之成既過絕潮源一境蒙利也

迹異記曰今烏江長亭亭下有騅馬塘卽當時烏江亭長艤舟待項王處

南越志曰丹城縣有釜塘金沙自是而出

裴淵廣州記曰彰平縣朱沙塘水如絳魚鼈皆赤

荆州記曰長沙郡東十餘里有郡人劉壽墓有石闕四所

壽漢順帝時爲司徒其塚有龜塘周迴四十五里有靈龜

出其中故塘因名焉

盛弘之荆州記曰始安熙平縣東南有山山西其形長狹

水從下注塘一日再減盈縮因名爲朝夕塘

幽明錄曰朱陽縣東北有蘆塘淹池八頃其深不可測中

幽明錄又載

有大魚常至五日一躍奮出水大可三圍其狀異常每躍

出水則小魚奔迸隨水上岸不可勝計

迹異記云蘆塘有鮫魚五日一化或爲美異婦人或爲男

子至於變亂尤多郡人相戒故不敢有害心鮫亦不能爲

計後爲雷電殺之此塘遂涸

劉欣期交州記曰鑿南塘者九真路之所經去州五百里

馬援積石爲塘以通於海遠於象浦建標爲南極之界

淮南子曰壞塘取龜發屋求狸桀跖之徒君子不爲

爾雅曰墳大防也

梁書曰始興忠武王憺

音字曾達爲荊州刺史遇大江溢

堤壞憺親率將吏冒雨築之雨勢甚猛人皆恐懼或請避

之憺曰王尊尙欲身塞河堤我心何獨以危登堤歎息遂

輟膳而刑白馬以祭江神以身為百姓請命言終而水退堤出

郡國志曰長沙金牛堤漢武時有異人牽金牛走入此堤內因以名焉

水經注曰涿郡王尊自益州刺史遷東郡太守河水盛溢泛浸瓠子金堤尊躬率吏民投沉白馬祈水神河伯親執圭璧請身填堤廬居其上吏民皆走尊立不動水齊足而止公私壯其勇節

水經曰漢安帝永初七年令謁者太山于岑於石門東積石入所皆如小山以捍衝波謂之八激堤

島

釋名曰海中可居曰島島到也人所奔到

漢書曰田橫懼誅入居海島中

孟康曰海中山曰島

魏志曰王頎討句驪入沃沮人云嘗乘船捕魚風吹十日東得一島上有人常以七月取童女沉海

齊地記曰嶗山東北五里入海有管彥島是黃巾賊帥管承後也○又曰東牟城東有盤島城東北有牛島常以五月海牛及海狸與鳥產乳其上

臨海記曰去郡七里東有樊續嶼嶼上空冢裏猶餘敗鼓角或呼為樊府君墓今郡公田在此嶼下

爾雅曰岸下池曰澚

詩曰縣縣葛藟在河之澚

爾雅曰重厓曰岸

詩曰高岸為谷

又曰洪則有岸

晉書曰殷仲堪於江濱見流棺而葬焉旬日之間門溝忽

起為岸其夕有人自稱感君之恩堪因問岸何祥也答曰

水中有岸曰洲君將牧州言終而沒至是果得荊州也

水經注曰船官浦東即黃鵠山林澗甚美譙郡戴仲若野

服居之山下謂之黃鵠岸

又曰昆明池有金堤石岸益州有金堤左思曰西踰金堤

東越玉津

孫卿子曰泉生珠而岸不枯

說文曰泥黑土在水中者也

易曰井泥不食舊井無禽

在井之下故稱泥井而泥則不可食

書曰淮海惟揚州厥土惟塗泥

詩含神霧曰夫齊之地處孟春之位海岱之間土地汙泥

流之所歸利之所聚

傳曰晉楚將戰呂錡夢射月中之退入於泥

論語曰子夏云雖小道必有可觀者焉致遠恐泥是以君

子不為小道今諸子書泥滯陷不通也

漢書溝洫志曰涇水一石其泥數斗且漑且糞長我禾黍

又曰禹泥行乘櫓

東觀漢記曰隗囂將王元說囂將背漢曰請以一丸泥為

大王東封函谷關此萬世一時也

又曰鄧訓將黎陽宮兵屯漁陽遷護烏丸校尉黎陽宮故

吏皆戀慕知訓好以青泥封書從黎陽步推鹿車載青泥

至上谷遺訓其得人心如此

隴右記曰武都紫水有泥其色亦紫而粘貢之用封璽書
 故詔誥有紫泥之美
 帝王世記曰周穆王征犬戎得鍊剛赤刀用之割玉如割
 泥焉
 神仙傳曰董奉君居廬山嘗大旱縣令于士彥詣奉說大
 旱之意奉因仰視其屋曰貧家屋皆見天不可以得雨如
 何令解其意身率將吏為起屋屋成當泥壁作人已掘土
 欲取江水沃泥奉曰不須日暮當雨也其夜果大雨聚壤
 成泥
 顧微廣州記曰鬱林郡山東南有池有石牛在池下民常
 祀之歲旱百姓殺牛祀之以牛血和泥泥石牛背祠畢天
 雨洪注洗背泥盡而後晴
 曾子曰白沙在泥與之皆黑

淮南子曰琬琰之玉在汙泥之中雖廉者不釋也
 世說曰石崇以椒為泥泥屋王君夫以赤石脂泥壁
 雜五行書曰二月上壬取土泥屋四角宜蠶吉

礫

釋名曰小石曰礫礫析也小石相支其間析析然
 抱朴子曰軍術曰地生瓦礫不去有大禍
 蔡伯喈青衣賦曰金生沙礫珠出蚌泥
 盧子雲相風賦曰楚石雜結綠沙礫廁隨珠
 龍魚河圖曰蚩尤兄弟八十一人並銅頭鐵額食沙石
 韓詩外傳曰孔子南遊適楚至於阿谷之隧有女子佩瑱
 而浣者孔子曰彼婦人其可與言乎執觴以授子貢曰善
 為之辭婦人荅曰阿谷之隧隱曲之汜欲飲則飲何問於

婢子授子貢觴跪坐置之沙上曰禮不親授○禮曰自西河至於流沙千里而遙是也家語曰得其人如聚沙而雨之非其人如會鼙而鼓之史記曰張良以鐵椎擊秦始皇於博浪沙中其副車又曰上在雒陽南宮從復道望見諸將往往相與坐沙中語又曰武帝元封元年旱於是天子乃禱萬里沙應劭注曰萬里沙祠戰國策曰齊襄王立田單相之過淄水有老人涉水而寒不能行坐沙中田單見其寒也解裘而衣之襄王曰弗早圖恐後悔之疑單有異心也漢書曰韓信擊龍且夾睢水夜令人為萬餘囊盛沙以壅水上流東觀漢記曰朱鮪等共會涿水上沙中設壇立聖公為天

子

博物志曰石蕃衛臣也背能負千二百石沙廣志曰流沙在玉門關外南北二千里東西數百里有三斷名曰三隴列子曰牛駃者上地之大儒也之邯鄲遇盜於糶沙魯連子曰朝露之蒲工女不能治淄澠之沙計兒不能數韓子曰孫叔敖請漢閒之地沙石之處曾子曰白沙在泥與之皆黑淮南子曰河水欲清沙壤穢之又曰寒凝水熱焦沙抱朴子曰穆王南征一軍盡化小人為蟲沙說苑曰湯之時大旱七年焦沙爛石葛洪肘後方曰治溺死方熬沙以覆死人使上下有沙但

出口鼻

古今注曰宣帝地節元年上都沙中夜風有火如粟曹瞞傳曰操征馬超隔渭水婁子伯說曰今天寒可起沙為城以水灌之可一夜而成

劉根別傳曰潁川太守高府君到官民人疫郡中掾吏死者過半夫人郎君悉得病從根求消除病氣之術根曰於廳事之亥上穿地取沙三斛著中以淳酒三升沃其上府君從之病者悉得愈疫氣絕

搜神記曰有物處于江水其名曰蜮一日短狐能含沙射人以術方抑之則得沙石於肉中

段國沙州記曰澆河西有黃沙沙南北一百二十里東西七里西極大陽川望黃沙猶人委乾糞地不生草木黃沙蕩然沙州取號焉

豫章記曰龍沙在郡北帶江沙甚潔白高峻而峙陂隄有龍形舊俗九月九日登高上處也

新安記曰錦沙村傍山依壑素波澄膜錦石舒文冠軍吳喜聞之而造焉鼓棹遊泛弥旬忘返歎曰名山美石故不虛賞使人喪朱門之志

王孚記曰袁州有水春交則上白沙如米於兩岸九十餘里呼為米沙若一岸徧米其方豐熟

湘中記曰白沙如霜雪赤岸似朝霞

遁甲開山圖曰沙土之浦雲陽之墟可以長生可以隱居沙土即長沙也雲陽古仙人也

郡國志曰杭州浙江有江沙漲昔武烈為郡吏赴府鄉人餞之會此沙上父老曰此沙狹而長君必為長沙太守果然

